

I UVODNI DIO

Programske aktivnosti Načelnika Općine Stari Grad Sarajevo, za 2010. godinu predstavljaju planski akt koji se zasniva na Ustavnim, zakonskim i statutarnim principima, koji od općinskih organa i službi zahtjevaju da upravljaju javnim poslovima, striktno u granicama zakona, da djeluju i rade u interesu stanovnika Općine i da za to snose punu odgovornost.

II OKVIRNI PLAN AKTIVNOSTI U 2010. GODINI

1. Nastavit će se započete aktivnosti na donošenju, odnosno izmjenama odluka, pravilnika i drugih općih propisa iz nadležnosti Načelnika Općine, a koje će omogućiti racionalnije i efikasnije funkcionisanje jedinstvenog općinskog organa uprave. Prethodne aktivnosti direktne su posljedice reforme opće uprave koja je započeta 2005. godine u Općini, te propisima i uputstvima donesenim u ovom segmentu, a koji rezultiraju potrebom nastavka rada na već započetim procesima organizacije i angažmana kadra u Općini.

2. Poduzet će se dodatne aktivnosti na jačanju mjesnih zajednica i doprinjeti njihovom efikasnijem radu u službi građana. Poseban akcenat bit će stavljen na upravljanje Domovima kulture na području Općine Stari Grad Sarajevo, odnosno njihovom racionalnom i potpunom iskorištenošću, a sve u skladu sa interesima Općine.

3. Nastavit će se aktivnosti uspostavljanja sistema kontrole finansijskog poslovanja Općine (trezorski način poslovanja).

4. Privest će se kraju proces uvođenja ISO Standarda i certificiranje u skladu sa Standardom 9001-2008. Ovim će se funkcionisanje Općine uskladiti sa međunarodnim standardima.

Ova aktivnost je kontinuirana i obuhvata dalje poboljšanje usluga i održavanje certifikata.

5. Putem stručnog tijela, imenovanog rješenjem Gradonačelnika Grada Sarajeva, Općina Stari Grad Sarajevo, zajedno sa ostalim gradskim općinama i predstavnikom Grada, učestvovat će u razmatranju prednacrta Zakona o lokalnoj samoupravi Kantona Sarajevo. Naime, Kanton Sarajevo utvrdio je prednacrt Zakona o lokalnoj samoupravi Kantona Sarajevo, koji je dostavljen svim općinama u cilju davanja mišljenja, prijedloga i

sugestija. Obzirom da se u konkretnom slučaju radi o propisu bitnom za rad i funkcionisanje Općine, na prijedlog Grada Sarajeva, formirano je stručno tijelo koje će razmatrati prednacrt Zakona i svoja mišljenja, prijedloge i sugestije dostaviti Gradonačelniku i nadležnim u općinama.

6. Nastavit će se aktivnosti u pravcu stvaranja preduslova u cilju potenciranja nove izgradnje (stambenih, poslovnih , kao i stambeno-poslovnih objekata). Ovdje se naročito misli na konačnu realizaciju projekta Kvadrant XII, izgradnju Bakr-babine džamije, izgradnju stambenog objekta u cilju realizacije projekta zbrinjavanja interno raseljenih, poduzimanje daljih aktivnosti u vezi sa lokalitetom Tekija čikma, završetak projekta Besarina čikma, i dr.

7. Zaokružiti će se aktivnosti u oblasti normativno-pravnog uređenja koje se tiče oblasti upravljanja i raspolaganja poslovnim prostorima na kojima pravo raspolaganja ima Općina Stari Grad Sarajevo. Takođe, i dalje će se raditi na stvaranju preduslova u cilju efikasnije naplate, odnosno redovitog izmirenja obaveza zakupaca i u tom pravcu insistirati na dosljednoj primjeni propisa.

8. Intenzivirati će se aktivnosti na jačanju kontrole i propisanog korištenja javnih površina na području Općine. Ovom segmentu i u prethodnoj 2009-oj godini bila je posvećena značajna pažnja, te je u tom smislu i izvršeno usklađivanje propisa, kao i uređenje u oblasti izdavanja pojedinačnih akata, što je sve u cjelini doprinjelo uspostavljanju reda u pogledu korištenja javnih površina. Aktivnosti ove vrste bit će prioritet i u tekućoj godini.

9. Konačna realizacija i privođenje kraju aktivnosti koje se tiču primjene Zakona o vraćanju, dodjeli i prodaji stanova, odnosno postupanje u skladu sa općinskom Odlukom o dodjeli i prodaji stanova. Namjera je prije svega, u saradnji sa nadležnim radnim tijelima, Općinskim vijećem (Komisija za dodjelu stanova), okončati postupke dodjele i prodaje stanova, potom intenzivirati aktivnosti prema nadležnoj Upravi za stambena pitanja u cilju konačnog povrata stanova na kojima Općina Stari Grad Sarajevo ima pravo raspolaganja (vlasništva), te njihovom daljem raspolaganju u skladu sa pozitivnim propisima. Da bi se ove aktivnosti privede kraju, neophodan je prije svega, efikasan rad Službe za stambena pitanja, kao i dobra saradnja i efikasan rad nadležne Komisije Općinskog vijeća.

10. Osposobljavanje i stručno usavršavanje državnih službenika, nastavit će se i u ovoj godini. Osnovni cilj će biti, kao i ranije, stvaranje pretpostavki za apliciranje, odnosno izrada projekata kojima bi se omogućio razvoj i prosperitet Općine.

11. Građanima Općine Stari Grad Sarajevo će se omogućiti zadovoljenje njihovih osnovnih potreba i rješavanje pojedinačnih zahtjeva uspostavljanjem, prije svega, efikasne općinske uprave, koja će postavljene zadatke i utvrđene poslove izvršavati na osnovu svog profesionalnog, stručnog i odgovornog angažmana.

12. Rukovođenje jedinstvenim općinskim organom uprave u tekućoj godini bit će zasnovano, kao i u prethodnoj, na principima ekonomičnosti i racionalnosti, kako bi se s jedne strane, usvojeni Budžet kretao u granicama dozvoljenog, a s druge strane, kako bi se omogućila realizacija utvrđenih i zakonskih obaveza.

III PRIJEDLOZI OPĆINSKIH I POJEDINAČNIH AKATA, IZVJEŠTAJA I INFORMACIJA ZA OPĆINSKO VIJEĆE

Općinskom vijeću će između ostalih, biti dostavljeni sljedeći akti na razmatranje:

1. Odluka o izmjenama i dopunama Odluke o uslovima i načinu korištenja prostorija mjesnih zajednica.

2. Odluka o izmjenama i dopunama Odluke o dodjeli i prodaji stanova u vlasništvu Općine.

3. Odluka o dodjeli u zakup poslovnih prostora i visini i načinu plaćanja zakupnine za poslovne prostore na kojima pravo raspolaganja ima Općina Stari Grad Sarajevo.

4. Odluka o izmjenama i dopunama Odluke o rasporedu poslovnih djelatnosti na području Općine Stari Grad Sarajevo.

5. Odluka o privremenom korištenju javnih površina na području Općine Stari Grad Sarajevo.

6 Odluka o izmjenama i dopunama Odluke o radnom vremenu u službama Općine Stari Grad Sarajevo.

7. Izvještaj o stanju upravnog rješavanja u 2009. godini.

8. Izvještaj o izvršenju Budžeta Općine Stari Grad Sarajevo za 2009. godinu.

9. Izvještaj o upravnom rješavanju u 2009. godini.

10. Izvještaj o izvršenju Budžeta Općine Stari Grad Sarajevo za period od 01.01. 2010. godine – 30.06.2010. godine.

11. Izvještaj o vršenju inspeksijskog nadzora u oblasti urbanizma i građenja.

12. Informacija o uspjehu i vladanju učenika osnovnih škola u prvom polugodištu 2009/2010 godine.

13. Informacija o izvršenju Budžeta Općine Stari Grad Sarajevo za period od 01.01. 2010- 31.03.2010. godine.

14. Informacija o provođenju Odluke o dodjeli i prodaji stanova u vlasništvu Općine.

15. Informacija o aktivnostima na rješavanju problema ruševnih objekata na području Općine Stari Grad Sarajevo.

16. Informacija o izvršavanju hitnih intervencija na zgradama.

17. informacija o stanju starih i deficitarnih zanata.

18. Informacija o aktuelnim pitanjima iz oblasti socijalne zaštite.

19. Informacija o stanju sportskih objekata u osnovnim školama na području Općine Stari Grad Sarajevo.

20. Informacija o sportskim manifestacijama u čijoj organizaciji učestvuje Općina Stari Grad Sarajevo.

21. Informacija o stanju komunalne čistoće na području Općine Stari Grad Sarajevo.

22. Informacija o izvršenju Budžeta Općine Stari Grad Sarajevo za period od 01.01.2010. – 30.09.2010. godine.

23. Informacija o uspjehu i vladanju učenika osnovnih škola u školskoj 2009/2010 godini i upisu djece u prve razrede osnovne škole.

24. Informacija o prodaji poslovnih prostora zakupcima.

25. Informacija o pripremljenosti za zimsko održavanje saobraćajnica na području Općine Stari Grad Sarajevo.

26. Informacija o provođenju dokumenata prostornog plana.

27. Informacija o ostvarivanju boračko-invalidske zaštite.

IV DOKUMENTI PROSTORNOG PLANIRANJA

Općinska administracija će učestvovati u organizaciji javnih tribina i javnih rasprava o dokumentim prostornog planiranja. Aktivnosti će se odnositi na sljedeće planske dokumente:

1. Izmjena urbanističkog projekta "Bentbaša";
2. Urbanistički projekat "Spomen obilježja "Papa Ivan Pavao II";
3. Urbanistički projekat "Katedrala – II faza" ;
4. Regulacioni plan "Logavina"
5. Regulacioni plan "Mahala – Medrese"
6. Regulacioni plan "Mahale Kovači"
7. Urbanistički projekat "Šahinagića ulica – I faza";
8. Izmjena Regulacionog plana "Spomen obilježja Kovači".

V OBLAST INVESTICIJA

U oblasti investicija realizovat će se ugovorene investicije započete u 2009. godini i započeti nove i to:

1. Dovršetak izgradnje Osnovne škole na Sedreniku;
2. Sanacija ulica prema prioritetima na prijedlog MZ (Močila, Pirin brijeg, Vrbanjuša, Brajkovac – dio i Šumarska).
3. Izgradnja potpornih zidova i sanacija klizišta prema prioritetima (MZ Vratnik – Ispod grada, MZ Babića Bašča-Magoda 1, Turbe 7, MZ Širokača – Bostarići od broja 2-4, MZ Sedrenik – Ramića banja 34 i Ramića banja 10, MZ Hrid Jarčedoli do broja 34 dio, MZ Toka Džeka – Džeka broj 75).

4. Rješavanje vodosnabdjevanja naselja Sedrenik iznad rezervoara- Grdonj, sa uvođenjem kanalizacione mreže.
5. Sanacija kanalizacione mreže – ulice Baruthana, Hladivode i Špicasta stijena.
6. Izgradnja rukohvata, odnosno odbojnica ograde (Bostarići broj 1, Boguševac od broja 15-27, Džeka kod MZ, ulica Paje od broja 17-20, ulica Mala berkuša od broja 12-37, ulica Hošin brijeg od broja 4, ulica Sedrenik kod broja 10, ulica Za Beglukom).
7. Sanacija javne rasvjete na području MZ Stari Grad
8. Sanacija kamenih stepeništa ulica: Berkuša, Bistrik brijeg, Strošići, Save Skarića.
9. Izgradnja dijela saobraćajnice u ulici Trčivode
10. Rješavanje (zacjevljenje) Mjedeničkog potoka sa saobraćajnicom.
11. Dovršetak saobraćajnice Iza Gaja.
12. Projekat numerisanja kuća na području Općine Stari Grad Sarajevo.
13. Izgradnja mosta na Obhodži.
14. Rekonstrukcija OŠ "Vrhbosna".
15. Realizacija projekta "Kvadrant XII".
16. Ulica Bravadžiluk – rekonstrukcija vodovodne i kanalizacione mreže i popločavanje i dr.

VI OBLAST KULTURE I SPORTA

Općina će podržati realizaciju projekta iz oblasti kulture, kao što su:

1. Bašćaršijske noći;
2. Sarajevska zima;
3. Sarajevofilm festival;
4. Doček Nove godine i druge slične manifestacije.

Općina će realizovati i pružiti podršku realizaciji projekata iz oblasti sporta i stvarati neophodne uslove za dostupnost sportskih objekata svim građanima, a posebno mladima. Naravno, ove, kao i druge planirane aktivnosti kretat će se u granicama realnih mogućnosti i sredstava planiranih u Budžetu Općine za 2010-u godinu.

VII ZAVRŠNI DIO

Pravni osnov za donošenje Programa rada Načelnika Općine sadržan je u Statutu Općine Stari Grad Sarajevo i obavezi Načelnika Općine, da prezentira svoj Program rada za tekuću godinu.

Programske aktivnosti Načelnika Općine su planski akt koji je osnova za izradu Programa rada Općinskog vijeća za 2010. godinu.

U vezi sa naprijed navedenim Načelnik Općine, Program rada za 2010. godinu prezentira Općinskom vijeću.

Stručna obrada:

Služba Kabineta
Načelnika Općine

NAČELNIK OPĆINE

Ibrahim Hadžibajrić,s.r.